




PARLIMEN MALAYSIA

DEWAN RAKYAT

MESYUARAT PERTAMA, PENGGAL KEENAM
PARLIMEN KETIGA BELAS
2018

**Jawapan-Jawapan Pertanyaan Jawab
Lisan Harian Yang Tidak Dapat Dijawab
Dalam Dewan Rakyat Daripada
Kementerian**

HARI KHAMIS : 5 APRIL 2018



KANDUNGAN

JAWAPAN-JAWAPAN BAGI PERTANYAAN-PERTANYAAN JAWAB

LISAN YANG TIDAK DIJAWAB DI DALAM DEWAN

(SOALAN NO.12 HINGGA NO.57)

NOTA: [RUJUK PENYATA RASMI HARIAN (HANSARD)]



SOALAN NO: 12

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

PERTANYAAN : LISAN
DARIPADA : YB DATO' DR. NIK MAZIAN BIN NIK MOHAMAD [PASIR PUTEH]
TARIKH : 5 APRIL 2018
SOALAN : 12

Dato' Dr. Nik Mazian Bin Nik Mohamad [Pasir Puteh] minta **MENTERI KESIHATAN** menyatakan apakah perkhidmatan unit pakar yang disediakan di Hospital Baru Kuala Krai, bilakah mula pengoperasian secara aktif dan bagaimana kedudukan hospital sedia ada.

Tuan Yang di-Pertua,

Hospital Kuala Krai yang baharu adalah sebuah Hospital Pakar Major dengan 268 buah katil dan akan meneruskan perkhidmatan perawatan hospital sedia ada. Hospital baharu ini dijangka siap dan beroperasi pada tahun ini.

Buat masa ini, terdapat 14 bidang kepakaran yang disediakan dengan sasaran kepakaran sebanyak 20 bidang pada masa akan datang. Selain itu, hospital ini juga menerima perkhidmatan lawatan pakar dari Hospital

3

Raja Perempuan Zainab II, Kota Bharu secara berkala di dalam 4 bidang kepakaran iaitu Dermatologi, Kardiologi, Nefrologi dan Gastroenterologi.

Infrastruktur Hospital Kuala Krai lama pula akan diubahsuai untuk menyediakan perkhidmatan seperti:

- 1) Perkhidmatan Pusat Rehabilitasi;
- 2) Wad Psikiatri dan Pusat Kesihatan Mental Komuniti (MENTARI);
- 3) Perkhidmatan Kepakaran Pergigian (*Non-Hospital Based*);
- 4) Pusat Penjagaan Luka;
- 5) Pusat Rawatan Harian; dan
- 6) Pusat Latihan, Jabatan Kesihatan Negeri Kelantan.

Soalan No: 13

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : DATUK HAJI AHMAD LAI BIN BUJANG
[SIBUTI]

TARIKH : 5.4.2018 (KHAMIS)

SOALAN :

Datuk Haji Ahmad Lai Bin Bujang [Sibuti] minta **MENTERI PENDIDIKAN** menyatakan apakah dasar Kementerian mengenai pelajar tanpa dokumen lengkap untuk mendaftar ke sesi persekolahan dan bagaimanakah status pelajar-pelajar yang tidak dapat mendaftar ke sesi persekolahan 2018 kerana tiada status warganegara.

JAWAPAN

Tuan Yang di-Pertua,

Kementerian Pendidikan Malaysia (KPM) telah mengeluarkan Surat Pekeliling Ikhtisas Bil. 1/2009: Kemasukan Kanak-Kanak Warganegara Malaysia Tanpa Dokumen Ke Sekolah bagi memperjelaskan keputusan Jemaah Menteri bertarikh 16 Januari 2008. SPI tersebut memperincikan syarat penerimaan kanak-kanak warganegara yang tidak memiliki dokumen pengenalan diri untuk diterima masuk ke sekolah seperti yang berikut:

- i Mana-mana salah seorang ibu bapa kanak-kanak tersebut adalah warganegara Malaysia; dan

- ii Surat pengesahan atau surat perakuan Ketua Kampung bahawa kanak-kanak tersebut adalah anak kepada warganegara Malaysia.

KPM juga telah mengeluarkan Surat Siaran Bilangan 3 Tahun 2018 bertarikh 15 Januari 2018 yang bertujuan memaklumkan tindakan melaksanakan penerimaan masuk kanak-kanak bukan warganegara ke sekolah Kerajaan dan sekolah bantuan Kerajaan mengikut kategori seperti yang berikut:

- (i) Kanak-kanak bukan warganegara yang telah diambil oleh warganegara Malaysia sebagai anak angkat;
- (ii) Kanak-kanak bukan warganegara hasil perkahwinan tidak mengikut undang-undang Malaysia di mana bapa adalah warganegara dan ibunya bukan warganegara; dan
- (iii) Kanak-kanak bukan warganegara yang ibu bapa juga bukan warganegara di mana kemasukan ke sekolah Kerajaan atau sekolah bantuan Kerajaan adalah berdasarkan kepada Peraturan-Peraturan Pendidikan (Penerimaan Masuk Murid ke Sekolah, Penyimpanan Daftar dan Syarat Bagi Pengekalan Murid Belajar di Sekolah) 1998.

Bagi kanak-kanak yang di bawah kategori (i) dan (ii), keluarga, penjaga atau mana-mana badan atau pihak yang bertanggungjawab dalam penjagaan kanak-kanak tersebut perlu mematuhi perkara seperti berikut:

- (i) Dalam tempoh dua (2) tahun daripada mula kanak-kanak tersebut masuk persekolahannya, semua dokumen pengenalan diri kanak-kanak tersebut perlu diselesaikan; dan
- (ii) Membayar fi yang ditetapkan oleh KPM.

RJM99

7

SOALAN NO: 14

**MESYUARAT PERTAMA, PENGGAL KEENAM
PARLIMEN KETIGA BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : LISAN
DARIPADA : YB TUAN SIM TONG HIM
KAWASAN : KOTA MELAKA
TARIKH : 05 APRIL 2018, KHAMIS

SOALAN:

YB TUAN SIM TONG HIM minta **MENTERI KERJA RAYA** menyatakan apakah sebabnya Lebuh Raya Utara Selatan perlu menggunakan 'Shadow Vehicle' untuk menghalang dan memaksa kenderaan-kenderaan mengikut kelajuan mereka dengan menggunakan semua lorong termasuk lorong kecemasan. Adakah Kementerian sedar bahawa tindakan ini telah banyak menyusahkan pengguna-pengguna lebuh raya.

JAWAPAN:

Tuan Yang Di-Pertua,

Untuk makluman Ahli Yang Berhormat, keselamatan dan keselesaan pengguna lebuhraya adalah menjadi keutamaan pihak Kementerian Kerja Raya. Pihak Kementerian melalui Lembaga Lebuhraya Malaysia (LLM) dan PLUS sentiasa proaktif dalam memastikan objektif ini tercapai.

Antara tanggungjawab dalam memastikan keselamatan petugas dan pengguna lebuhraya adalah menerusi pengalihan segera objek atau halangan yang terdapat di atas lebuhraya seperti serpihan tayar, besi, kayu dan sebagainya, yang terjatuh dari kenderaan lain yang menggunakan lebuhraya sistem ini juga boleh diaktifkan bagi membantu proses penutupan lorong mandatori di lebuh raya apabila berlakunya kerja-kerja penyelenggaraan, kemalangan atau halangan bahaya di lokasi terbabit.

Untuk makluman Ahli Yang Berhormat, jumlah kes jatuh objek atau halangan di atas lebuhraya adalah sangat tinggi. Statistik 2017 menunjukkan jumlah objek/halangan yang dikenalpasti termasuk serpihan tayar adalah 20,332 kes. Jumlah ini adalah pengurangan 9% daripada yang dicatatkan pada 2016 iaitu 22,403 kes, namun masih satu angka yang membimbangkan.

Sebagai langkah proaktif, penggunaan ‘Shadow Vehicle’ merupakan inisiatif yang perlu diambil bagi meminimakan risiko kemalangan kepada petugas syarikat konsesi dan juga pengguna lebuhraya.

Sekian, terima kasih.

9

Soalan No: 15

PEMBERITAHU PERTANYAAN DEWAN RAKYAT

PERTANYAAN : LISAN

DARIPADA : DATUK SAPAWI BIN AHMAD WASALI
[SIPITANG]

TARIKH : 5.4.2018 (KHAMIS)

SOALAN :

Datuk Sapawi Bin Ahmad Wasali [Sipitang] minta **MENTERI PENDIDIKAN** menyatakan jumlah peruntukan sudah dibelanjakan untuk Program Bantuan Awal Persekolahan (BAP) serta jumlah pelajar yang mendapat manfaat dan apakah Kementerian mempunyai statistik agihan mengikut negeri, terutama Sabah dan Sarawak dan bolehkah dinyatakan jumlah sekolah daif di luar bandar di Sabah yang dikenalpasti serta jumlah kewangan disediakan bagi menyelesaikan masalah sekolah-sekolah daif di negeri Sabah.

JAWAPAN

Tuan Yang di-Pertua,

Kementerian Pendidikan Malaysia (KPM) telah menyalurkan peruntukan sebanyak RM308.98 juta ke akaun sekolah (Sekolah Kerajaan dan Sekolah Bantuan Kerajaan) bagi tujuan pembayaran Bantuan Awal Persekolahan (BAP). Anggaran murid yang menerima BAP adalah sebanyak 3,089,868 orang. Bagi tahun 2018, sebanyak 381,174 murid di negeri Sabah telah menerima BAP yang berjumlah RM38,117,400.00 manakala bagi negeri Sarawak pula sebanyak 341,774 murid telah menerima bantuan tersebut yang berjumlah RM34,177,400.00 Berhubung dengan sekolah daif, pelaksanaan projek pembangunan semula sekolah daif dilaksanakan secara berperingkat mengikut

keutamaan tahap kedaifan sekolah. Pada tahun 2017, kerajaan telah melaksanakan pembangunan semula 30 buah sekolah daif secara *Industrialised Building System (IBS)* di negeri Sabah yang melibatkan peruntukan keseluruhan sebanyak RM116 juta pada tahun 2017. Daripada 30 buah sekolah, 16 projek telah siap sepenuhnya manakala 14 projek lagi dalam pelaksanaan.

Pada tahun 2018, sebanyak 109 buah sekolah di Sabah yang telah dikenal pasti untuk pembaikan sekolah daif yang melibatkan agensi pelaksana JKR dan KPM. Sebanyak 37 buah sekolah telah diserahkan kepada JKR Sabah untuk pelaksanaan pembaikan sekolah daif manakala 72 buah sekolah akan dilaksanakan oleh KPM. Selain daripada itu, pada tahun 2018, KPM menyalurkan peruntukan penyelenggaraan/ pembaikan sekolah-sekolah di bawah JPN Sarawak sebanyak RM6.6 juta dan JPN Sabah sebanyak RM3.4 juta.

RJM100

SOALAN : 16

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : JAWAB LISAN

**DARIPADA : YB PUAN HJH. SITI ZAILAH BT. MOHD
YUSOFF (RANTAU PANJANG)**

TARIKH : 5 APRIL 2018

RUJUKAN : 10646

SOALAN :

PR-1361-L04559 Puan Hajah Siti Zailah Binti Mohd Yusoff [Rantau Panjang] minta MENTERI DALAM NEGERI menyatakan status kuarters perumahan kakitangan polis dan imigresen yang masih tidak dihuni di seluruh negara dan perancangan masa depan kuarters tersebut.

JAWAPAN:

Tuan Yang Di Pertua,

Jumlah keseluruhan kuarters PDRM di seluruh Malaysia adalah sebanyak 64,258 unit. Daripada jumlah tersebut, sebanyak 8,936 unit kuarters telah usang dan tidak berpenghuni. Susulan daripada itu, kerja-kerja pembaikan dengan peruntukan sebanyak RM9.55 juta di bawah program *My Beautiful Malaysia* secara NBOS oleh Kementerian Perumahan dan Kerajaan Tempatan (KPKT) telah dilaksanakan secara berperingkat mulai tahun 2016 hingga 2020 iaitu. Selain itu, sebanyak 2,918 unit kediaman sedang dan akan dibina bagi menampung kekurangan perumahan.

Cadangan pembinaan di bawah inisiatif Perumahan Penjawat Awam 1 Malaysia (PPA1M) yang diumumkan oleh YAB Perdana Menteri semasa pembentangan bajet tahun 2018 melibatkan cadangan pembinaan sebanyak 10,000 unit kuarters dan sedang dalam proses perbincangan antara PDRM dan PPA1M untuk mengenal pasti lokasi yang sesuai.

SOALAN (17)**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN

TARIKH : 5 APRIL 2018
[KHAMIS]

DARIPADA : YB DATO' DR. NORAINI BINTI AHMAD
[PARIT SULONG]

SOALAN :-

YB DATO' DR. NORAINI BINTI AHMAD [PARIT SULONG] minta MENTERI KESEJAHTERAAN BANDAR, PERUMAHAN DAN KERAJAAN TEMPATAN menyatakan rancangan Kementerian berkaitan Perumahan Transit Belia (MyTransit) untuk diperkembangkan di seluruh negara dan keberkesaan projek tersebut memandangkan ianya adalah suatu model baharu pembangunan perumahan yang melibatkan kerjasama pihak Kerajaan dan swasta.

14

JAWAPAN :-

Tuan Yang di-Pertua,

Untuk makluman Ahli Yang Berhormat, Perumahan Transit Belia (MyTransit) merupakan satu inisiatif baharu di bawah Jabatan Perumahan Negara (JPN) yang telah diumumkan dalam Bajet 2017 dengan sasaran 10 ribu unit rumah di bandar-bandar utama seluruh negara bagi tempoh pelaksanaan 5 tahun.

Sebagai permulaan, YAB Perdana Menteri telah melancarkan 2,010 unit MyTransit di Mukim Batu dan Mukim Kepong, Kuala Lumpur pada 18 September 2017 yang dijangka siap pada tahun 2021, manakala terdapat 4 projek lagi yang dicadangkan untuk dilaksanakan, melibatkan pembangunan 7,371 unit rumah MyTransit sedang dalam peringkat perancangan. MyTransit ini terdiri daripada 2 jenis iaitu Unit Studio berkeluasan 400 kaki persegi dan Apartmen 2 bilik berkeluasan 550 kaki persegi. 6 program MyTransit tersebut 5 di Kuala Lumpur dan 1 di Selangor.

Untuk makluman Ahli Yang Berhormat, sehingga kini, masih belum ada projek MyTransit yang telah dibuka untuk permohonan oleh orang awam. Permohonan MyTransit ini akan dilaksanakan secara dalam talian menerusi portal sprn.kpkt.gov.my.

Kementerian Kesejahteraan Bandar, Perumahan dan Kerajaan Tempatan (KPKT) mengalu-alukan sekiranya terdapat cadangan projek MyTransit ini untuk dikembangkan dan dilaksanakan di bandar-bandar utama di seluruh negara seperti Johor Bahru, Kota Kinabalu, Kuching dan lain-lain bandar yang sesuai.

Antara keistimewaan MyTransit adalah seperti berikut:

- 1) Kadar sewa seunit adalah 30% lebih rendah daripada harga pasaran di mana Kerajaan telah bersetuju kadar sewa ditetapkan pada kadar RM400.00 sebulan bagi Unit Studio berkeluasan 400 kaki persegi dan RM550.00 sebulan bagi Apartmen 2 Bilik berkeluasan 550 kaki persegi;

- 2) Terdapat elemen *forced saving* yang akan dipulangkan kepada penyewa setelah tamat tempoh penyewaan. Simpanan ini akan dapat membantu menyediakan sebahagian deposit bagi pembelian rumah yang kekal kelak; dan
- 3) MyTransit ini juga akan dilengkapskan dengan perabot asas bagi memberikan keselesaan dan membantu penyewa menyimpan wang tanpa perlu membelanjakan wang simpanan bagi pembelian perabot.

Kementerian Kesejahteraan Bandar,
Perumahan dan Kerajaan Tempatan

Mac 2018